

آبونه شرائطی

داخلی، خارجی، هریر ایچون
سنه ایکی (۲۵۰)، آلتی آییلنی
(۱۳۰) غروشدر.

نسخه سی ۵ غروش،
سنه ایکی ۵۲ نسخه در

اداره خانه

باب عالی جاده سنده دائره مخصوصه
اخطارات
آبونه بدلی پشیندر

مسئله موافقی آثار مع الممنونیه
قبول اولتور. درج ایده این
یازیئر اعاده اولونماز

کتابخانه

۱۳۳۰

دینی، فلسفی، عامی، ادبی هفته لوق مجموعه اسلامیه در

باش محرر صاحب و مدیر مسئول

اشرف ارباب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد: ۴۴۶

۲۲ ذی الحجه ۱۳۳۷

پنجشنبه

۱۸ ایلول ۱۳۳۵

جلد ۱۷

محافظه کاران فرقه سنک تشکیلی تشبیهی مناسبه

اساسات اسلامیه اوزرینه مبتنی بر محافظه کاران فرقه سنک تشکیلی تشبیهی بولونولینی حقننده جرائد یومیه ده بعضی خبرلر منظور منوالدی. معالی اسلامیه و منافع وطنیه بولنده اونه دهری بر آن اول حصوایی عقی ایتکده اولدیفمز اسلامی تشکیلاتک تأسسنه ، محافظه کار افکار ایله متفکر اکابر امتک - ولو کج قلمش اولسه دخی - بوکون تشبیه ایتلرینی ملت اسلامیه و امت عثمانیه حقننده بر فال خیر تلتی ایدر وشو - زوالی اناطولیده امنیت و اعتماد عمومی در حال جلب و جمع ایده جکی بی شبهه اولان بونشبات دیانت پرورانه ک منتج موفقیت اولدنی الطاف یاریدن عقی ایلرم .

اول و آخر عرض اولدینی وجهله ممالک وسیعۀ عثمانیه ده اجرای نفوذ و حرکات ایدن اک مهم قوتلر لبراللق و محافظه کارلق اولدینی و بولردن اولکیسی منظم ترتیبات آلتند، اجرای فعالیت و حرکات ایله بر خیل زماندهری مقدرات مملکتی اداره ایتکده بولندینی حالده بو مخالف اوله رق تشکل ایتیمی ايجابات ضروری دن اولان محافظه کارلق تشکیلاتی عقی افکار ایله متفکر اکابر امتک هر نه دنسه شیمدی یه قدر اهامال ایتلرندن جسارت آلان لبراللق وحدت اسلامیه یی پارچه لامق، آداب و اخلاق اسلامیه یی اهامال ایتک، تهذیب اخلاقی فحشیات خانلرک تکثیر یله برابر تیار و شانولر یله سینما شریدرلر نه آرامق ، عالیه رابطه لریک تقویه سنی تسترک الفاسدن بکله مک - سرپوش ملیمزی کسوة اسلامیه مغایر شکله دوکک ، معارف اسلامیه یی کلیاً اهامال ایتک کی شیرله یین الاهالی فرقه حصوله کتیره رک حکومتله ملت یینده وجودی الزام اولان وفاق و اتحادی تماماً سلب ایتدی .

دینی و اخلاقی تسییمز بوزندن دوچار اولدیفمز بوکونکی انحطاط و کشمکش احوالک الیوم دوامی ، ملتک برات نجاتی اولان قوه معنویه مزک پک دون مرتبه ده بر اقلیمسندن منبئدر . صلاح طامزی مبشر اوله حق واجبات دینه ک تعقیب و تعمیم اولندینی ، اخلاق اسلامیه ک تصفیه سنی تأمین ایده جک منکرات و فحشیاتک منمنه چالشیلدینی ، راجه صایان کتابلر رینه عقائد اسلامیه یی تعلیم ایدوب کتب دینه ک مکاتبه تدریسه اهمیت ویرلدیکی ، دینی تشکیلات و اجرا ته کویلردن باشلایه رق امر بالمعروف ونهی عن المنکره مأمور اوله حق ذواتک افکار اسلامیه ایله متفکر ، علمیه عامل دینداشلردن تفریق فوق الماده اهمیت ویرلدیکی و اکثریت ملتک شوصورنله آرزوسی نظمین اولدینی کون اهالی ایله حکومت ییننده کی امنیتک اعاده تأسس ایده جکی شبهه سزدر .

شورانی کال صفوت قلب ایله اعتراف ایتک لازمکلیرکه اسلامیه طریق علمیه منتسبینه حصر ایتک، طشره لده وجودی اکسک اولمیان عملی عملیه اویماز ملون الافکار کیمسه لریک دین پرده سی آلتند لبراللق سیاستنه رواج ویرمک و آنلرک دام اغفالله دوشه رک دینی اجرا تی

دینسزلکک ترقی و تعممنه منجر قلمق و بوصورنله توجهات عامه یی محو وهدر ایتک دیمکدر . اکثریتی دینسزلکک متبیل ظن ایدیلن طشره کنجلی ایچنده دین و اخلاق اسلامیه بولنده وقف حیات ایده جک کیمسه لر مع الافتخار آزدکدر . ایسته اسلامک صوک امید نجاتی اولان جمع اسلام متشبثلرینک کوزه ده جکی اک نازک واک مهم نقطه قابله دکل ، قلبه نفوذ نظری بیلملریدر .

حکومت عثمانیه ، اکثریتی ملت اسلامیه دن متشکل اولدینی حالده سیاست اسلامیه یی اقامه و تعقیب ایده جک بر جمعیتک لزوم وجودی آنجق بوکون ادراک اولونه بیلمسی عفو اولتماز خطا لریک اک مهم لرندن در . شبهه سزدرکه سیاست اسلامیه ک دوام و قامی آنجق اسلامی بر قوتک تشکیله ممکندر . متفرق قوتلره اعتماد ایتک ، آسیاب حکومتک دام لصولر یله جور یله جکی امید ایتک دیمکدر . تفرقه حالنده کی تشببات و تعقیبات هیچ بر وقت حقه مقرون و موفقیتنه منجر اوله ماز . امتک اکبری طرفندن تشکیله ایدیه جک بویه بر قوت اساسات قرآنییه مطابق اولسی لازمکن بر پروغرام و شمار اسلامیه یه یافیشه جق اطوار و حرکات ایله نظرکامه ملنه عرض وجود ایتدی کون دین و وطن قایغوسیه نالان قلیلر متسلی و نجاتدن امید وار اوله یلور .

بوند نصکره اک اول اهالی آره سنده کی اعتقادات باطله و سخیفه ک تعدیل و تصحیحی تأمین ایده جک آجیق لسانله یازیلمش کتساب و رساله لره احتیاج پک فضلدر . شیمدی کی کتابلر مع التأسف بواحتیاجی تأمین و تعلیمین ایده مدیکندن اهالیز منهای مباح درجه سنده تاقی به جوقدن آلبشدر .

ینه تکرار ایده رمکه بواسلامی تشکیلات بونون اجرا آتی اکثریت ملتی تمثیل ایدن کویلردن باشلاملیدرکه کولکله بیلمین . بر کویل حقوقک محافظه سنی بیلدیکی ، دین و اخلاقی اوکرنیدی کون آرزوسی نظمین ایتش وقوه معنویه سنی یوکسلتمش عد اولنور . کویلنک محافظه حقوقی کافل عدلیه مأمورینک اک یقین نواحی مرکزیه قدر تعین و تشمیل اولدینی ، کویلنک چفت وجبوغندن اوزاقلاشدر لمدینی کورولدیکی کون مال و جانی تحت امنیت آلمش اولور .

کوی مرکز لرنده آجیه حق مکاتبه تعلیم و تربیه سنه اهتمام اوله حق صبیانک درجه تحصیلنه پک زیاده دقت کرکدر . محیط مزده نقیش سز و قابلیتمز معلملره ترک اولنان مکاتب بو کون مع الاسف بالکزاماً موجود بولونیور . صبیان آجینه جق بر حاله متروکدر . بونقاط مهمه ک ادراک ایله حصوانه تشبیت بیورلسی نه قدر سزای شکران ایسه علمای کرام و متفکرین اسلامیه مزکده بواصر خیره معاون و ظهیر اولملری او درجه ده شایان آرزودر . بعدما اهامال و لاقیدی زمانی جوقدن کچمش اولدیفمن ملت ، دینی تعقیبه دریغ همت و معاضدت ایدنلری دین علیهدار لریله برابر تعلیمیم کچیکمه جکدر .

مصطفیٰ نظامی : آماسری :